

ДИВЕН БОГ ВО СВЯТЫХ СВОИХ!



**КАФИСТ**

СВЯТЫМ БЛАГОВЕРНЫМ  
КНЯЗЮ ПЕТРУ  
И КНЯГИНЕ ФЕВРОНИИ,  
МУРОМСКИМ ЧУДОТВОРЦАМ

УДК 264-1  
ББК 86-372  
А 38

По благословению  
Святейшего Патриарха Московского и всея Руси  
КИРИЛЛА

**Акафист святым благоверным князю Петру и княгине  
Февронии, Муромским чудотворцам.** — М.: Издательство Московской  
Патриархии, Издательство «Гелио шаттл», 2010. — 28 с.

ISBN 978-5-88017-124-8

© Издательство Московской Патриархии, 2010  
© Издательство «Гелио шаттл», 2010



**АКАФИСТ**  
**СВЯТЫМ БЛАГОВЕРНЫМ**  
**КНЯЗЮ ПЕТРУ**  
**И КНЯГИНЕ ФЕВРОНИИ,**  
**МУРОМСКИМ ЧУДОТВОРЦАМ**

Празднование совершается  
25 июня/8 июля

---

## Тропарь, глас 8

Яко благочестиваго корене пречестная отрасль был еси, добре во благочестии пожив, блаженне Пётре, тако и с супружницею твоею, премудрою Феврониею, в мире Богу угодивше и преподобных житию сподобистесь. С нимиже молитесь Господеву сохранить без вреда Отечество ваше, да вас непрестанно почитаем.

## Кондак, глас 8

Мира сего княжение и славу временную помышляя, сего ради благочестно в мире пожил еси, Петре, купно и с супружницею твоею премудрою Феврониею, милостынею и молитвами Богу угодивше. Темже, и по смерти неразлучно во гробе лежаще, исцеление невидимо подаваете, и ныне Христу молитесь сохранить град же и люди, иже вас славящих.

## Величание

Величаем вас, святии благовернии князи и чудотворцы Петре и Февроние, и чтим святую память вашу, вы бо молитесь за нас Христа, Бога нашего.

---



### Кондак 1

Избрáннии чудотворцы и вели́цыи угодни́цы Господни, града Мýрома заступни́цы и прѣснии о душáх наших моли́твенни́цы, свя́тии благовернии кня́же Пётре и княги́не Февро́ние! Пение похва́льное вам принося́ще, молим вы усердно, яко иму́щими дерзновение ко Господу, предста́тельством вашим от вся́ких бед нас свободи́те и наследники Царс́твия Небеснаго нас соделайте, да зовем вам радостно:

Радуйте́ся, свя́тии и преславнии чудотворцы Пётре и Февро́ние.

### Икос 1

Ангели земни́и и челове́цы небеснии воистинну яви́стеся, блаженнии Петре и Февроние, от юности ва́ша чистую совесть иму́щими к Богу и до́бре во благочестии и чистоте вкúпе поживши́и, нам же оставльши́и в пример подра́жания житие ваше богоугодное,

ему же чудящиеся и чудесы вашими озаряеми,  
зовем вам гласы хвалёбными сице:

Радуйтесь, от юности вашае Христа возлюбившии и Тому от души поработавшии.

Радуйтесь, целомудрия хранители и душевные и телесныя чистоты рачители.

Радуйтесь, души ваша и телеса на земли в обиталище Духа Святаго уготовившии.

Радуйтесь, исполнении премудрости и разума Божественнаго.

Радуйтесь, яко во плоти, яко безплотни, вкупе поживите.

Радуйтесь, яко равноангельную честь достойне приясте.

Радуйтесь, яко от земли на Небо преидёсте и тамо со Ангелы Троице предстоите.

Радуйтесь, яко со безплотными лики Трисвятую песнь Ей воспеваете.

Радуйтесь, на Небеси и на земли от Господа прославленнии.

Радуйтесь, обрётшии вечное всесветлое место упокоения.

Радуйтесь, града Мурома сокровища пребогатая.

Радуйтесь, источницы неистощимии чудес.



Радуйтесь, святии и преславнии чудотворцы Петре и Февроние.

## Кондак 2

Видев князь Петр в возвратной болезни своей знамение гнева Божия за неисполнение обета своего пойти в супруги себе премудрую Февронию, потщася сие исполнити и сочестася с нею браком законным. Обаче и в супружестве целомудренно и богоугодно поживше, блаженнии, имуще едину мысль во двою телу, еже благоугождати Богу; темже выну поете Ему ныне со Ангелы песнь: Аллилуия.

## Икос 2

Разумом богопросвещенным свыше одареннии, Петре и Февроние святии, любовь и милосердие к бедным и сирым яviste, обидимым и беспомощным заступницы бысте и иными добродетельми многими украсисте княжение свое земное. Сего ради вопием к вам сице:

Радуйтесь, блаженнии и треблаженнии, в боголюбии пожившии и благоверие сохранившии.

Радуйтесь, милости и сострадания преисполненнии.

Радуйтесь, беспомощных скории помощницы.

Радуйтесь, печальных блазии утешители.

Радуйтесь, сирот и вдовиц кормители.

Радуйтесь, сущих в бедах предстатели.

Радуйтесь, болезней душевных и телесных искуссии целители.

Радуйтесь, скорбных сердец радостотворнии посетители.

Радуйтесь, любовь вашу к Богу любовью к ближним своим показавшии.

Радуйтесь, княжение ваше земное праведно и богоугодно содержавшии.

Радуйтесь, князей православных похвало и града Мурома утверждение.

Радуйтесь, всея земли российския заступление.

Радуйтесь, святии и преславнии чудотворцы Петре и Февроние.

### ❧ Кондак 3 ❧

Силою благодати Божия укрепляемь, блаженне княже Петре, восхотел еси паче оста-



вити град Отечества твоего и княжение Муромское, неже бракоразвестися с премудрою Феврониею по настоянию гордых боляр твоих. Сего ради Бог ты прослави и сотвори, да темиже боляры возвращенный вкупе с супружницею твоею, на престоле княжения Муромскаго паки утвердился еси, нам же пример хранения закона Божия показуеши подвигом твоим, да подражая тебе в святости хранения союза брачнаго, воспеваем Подвигоположнику Христу: Аллилуия.

### Икос 3

Имуще попечение о людех своих, преблаженнии Петре и Февроние, неусыпно подвижаетесь ко благу их, благочестие насаждая, нечестие искореняя и вражду умиротворяя. Темже и Господь, видя таковыя подвиги ваша, землю Муромскую плодоносием благослови и мир глубок княжению вашему дарова, подвижая люди ваша благодарственно воспевати вам сице:

Радуйтесь, угодницы Божии, житию великих святых сопричастницы.

Радуйтесь, правителие предобрии, люди Муромския ко спасению путевоdившии.

Радуйтесь, христианскаго благочестия блюстители.

Радуйтесь, нестроения, раздоров и всякаго нечестия искоренители.

Радуйтесь, супругов христиан ко благочестному житию наставницы.

Радуйтесь, целомудрия и воздержания супружескаго образи преизящнии.

Радуйтесь, праведнаго суда рачители.

Радуйтесь, немздоймства и безкорыстия ревнители.

Радуйтесь, святых царей Константина и Елены добродетелей стяжатели.

Радуйтесь, равноапостольнаго князя Владимира и блаженныя княгини Ольги достойнии преемницы.

Радуйтесь, двоице пречестная и благое сочетание, лучами чудес немерцаемо сияющих.

Радуйтесь, Отечества вашего пресветлии светильницы.

Радуйтесь, святии и преславнии чудотворцы Петре и Февроние!

#### Кондак 4

Буря скорбей и напастей, воздвизаемая злобою мира сего, не ослаби крепкия любви ваша яже к Богу, Петре и Февронии блаженнии, но паче научи вас благоискусно отражати разжженные стрелы искушений диавольских; вы бо оболкшеся в броню веры Христовы, в мире глубоче преидёте многмятежную пучину житейскаго моря и достигёте в тихую пристань спасения, к нейже и нас молитвами вашими приведите, да вкупе с вами поем Богу: Аллилуия.

#### Икос 4

Слышавше ближнии и дальнии благочестное житие ваше, благовернии Петре и Февроние, прославляху Человеколюбца Бога, даровавшего вам крепость на вся дела благая, имиже, яко лучами пресветлыми, просиясте в Отечестве вашем, идеже и доньше имена ваша честны, и подвиги ваша воспеваются похвалами сими:

Радуйтесь, двоице пресветлая, Богом совокупленная.

Радуйтесь, светом благочестнаго жития  
вашего, яко светила богосвѣтлыя, просияв-  
шии.

Радуйтесь, милостынею и молитвами Небес-  
ное Царствие стяжавшии.

Радуйтесь, смирением и пощѣнием вечное  
блаженство уллучившии.

Радуйтесь, яко мзда ваша многа на Небесех  
есть.

Радуйтесь, яко радость ваша вѣчна во свѣт-  
лостех святых.

Радуйтесь, рабѣ Христовы возлюбленнии.

Радуйтесь, святых всех прѣснии друзи.

Радуйтесь, звѣзды непрелѣстнии, путь су-  
пружескаго жития богоугоднаго верно ука-  
зующии.

Радуйтесь, облацы роснобѣстии, зной стра-  
стей и нечестия прогоняющии.

Радуйтесь, Божиих милостей и щедрот нам  
податели.

Радуйтесь, Отечества вашего украшение  
неотъемлемое.

Радуйтесь, святии и преславнии чудотвор-  
цы Петре и Февроние!

### Кондак 5

Богопросвещеннии светильницы благочестия и предивнии чудотворцы Петре и Февроние, Бога от всея души возлюбивше, вся заповеди Его сохраните; темже и Христос, яко солнце и луну пресветлая, показавася, преблаженнии, чудес многих зарею озаряющия область Муромскую и всю страну Российскую, прославив нетлением святых и многоцелёбныя мощи ваша, к нимже припадающе, по достоянию ублажаем вас и выну благодарственно поем дивному во святых Своих Богу: Аллилуия.

### Икос 5

Видевше житие ваше праведное и щедроты ваша, людие муромстии славляху вас, своих правителей милостивых, благовернии Петре и Февроние, вы же смирение истинное возлюбивше и похвалы человеческия небрегше, гордынею неужазлени пребысте и тем покажете нам образ вышшаго смирения, емуже поучаяся, с любовию вопием вам таковая:

Радуйтесь, славу человеку ни во чтоже вменившии.



Радуйтеся, смирение Христово усердно возлюбившии.

Радуйтеся, заповедей Господних вернии исполнители.

Радуйтеся, учения Евангельскаго истиннии послéдователи.

Радуйтеся, раби Бога Вѣшняго, волю Его сотворшии.

Радуйтеся, веру Христову до конца соблю́дшии.

Радуйтеся, христоименітым людем благочестія учителя.

Радуйтеся, хотящих богоугоднo жити богомудрии наставницы.

Радуйтеся, молитвами вашими спасающии нас от всяких бед.

Радуйтеся, вся благая прошения наша исполняющии.

Радуйтеся, в недѣзех страждущих благодатнии врачеве.

Радуйтеся, милостивии страны Муромския покровителие.

Радуйтеся, святии и преславнии чудотворцы Петре и Февроние!



### Кондак 6

Проповѣдницы веры православныя и ревнители благочестия не словом то́кмо, но и всем житиём своим б́ысте во граде Муроме, прехвальнии Петре и Февроние; темже и Святая Церковь достойне почитает подвиги и труды ваша, имиже трудѣстеся во славу Бога Вышняго, немóлчно воспевая Ему: Аллилуия.

### Икос 6

Возсияете во граде Муроме светом добродетельнаго жития вашего, яко звѣзды богосвѣтлыя, преблаженнии Петре и Февроние, и память ваша в нем с похвала́ми до днесь, яко и по смерти своей не престаёте озарѣти нас, многая чудеса совершающе и теми светлую зарю безсмертия нам от мощей ваших возсиява́юще, да ублажаем вас благохвалѣнии сицевы́ми:

Радуйтеся, чина и уставов Святыя Церкви вернии хранители.

Радуйтеся, служителей олтаря Господня благоговѣйнии почитатели.

Радуйтеся, благих обычаев и преданий святоотѣческих ревнители.

Радуйтесь, обычаев злых и суемудрий языческих искоренители.

Радуйтесь, суды нелицеприятны людем вашим творившии.

Радуйтесь, суды ваша с милостию соединившии.

Радуйтесь, кротцыи и незлѡбивии последователи Христовы.

Радуйтесь, злобу добром препобеждавшии.

Радуйтесь, нетления благоухающии цвѣты.

Радуйтесь, безсмертия немерцающии лучи.

Радуйтесь, на земли величием чудес блистающи.

Радуйтесь, на Небеси со Ангелы Бога славащии.

Радуйтесь, святии и преславнии чудотворцы Петре и Февроние!

### ❧ Кондак 7 ❧

Хотѣ Человеколюбец Господь явити в житий вашем, Петре и Февроние, образ назидания не токмо людем мирским, но и ликом иноческим, внуши вам в старости маститей оставити славу княжения земнаго и воспріяти образ иноческий, в немже подвижастесь добре постом, бде-

нием и молитвою, воспевая непрестанно Триединому Богу ангельскую песнь: Аллилуия.

### Икос 7

Новую благодать Божию во иночестем пострижении приѣмше, преподобнии, новыми подвигами украсите равноангельное житие ваше и тако сугуб плод совершенства духовнаго Христу принесѡте, и мзду преподобных достѡйне от Него восприѣте. Поминая убо такову ревность вашу к подвигомъ духовнымъ, прославляем вас сими достоудѣльными похвалами:

Радуйтеся, яко любвѣ ради Господа, мира сего княжение и славу остависте.

Радуйтеся, яко иноческое равноангельное житие усердно восприѣте.

Радуйтеся, совершеннаго терпения подвижницы.

Радуйтеся, вольныя нищеты блаженнии стяжатели.

Радуйтеся, прежде кончины вѣша вся страсти умертвившии воздержаниемъ.

Радуйтеся, восприявшии святую схиму в броню спасения.

Радуйтеся, багрянѣцу княжескую на влася-  
нѣцу иноческую пренѣвшии.

Радуйтеся, постом, бдением и непрестан-  
ными молитвами Богу дѣбре угодѣвшии.

Радуйтеся, боголюбѣзнаго уединения взыс-  
катели.

Радуйтеся, спасительнаго безмолвия люби-  
тели.

Радуйтеся, слезами молитвенными оро-  
шеннии.

Радуйтеся, в сѣнне преподобных на Небеси  
прославленнии.

Радуйтеся, святѣи и преславнии чудотвор-  
цы Петре и Февроніе!

### ❧ Кондак 8 ❧

Странное и дѣвное бѣ чудо, егда ты, бла-  
женне Петре, на кончинѣ житія твоего,  
прошения ради супружницы твоеѣ, святѣя  
Февроніи, исходом своим умѣдлил еси,  
дѣндеже скончѣ она пеленѣ церковную, еѣ  
сшивѣему, и вкѣпе с тобою к исходу смерт-  
ному приспе, и тако неразлучнии в жи-  
тѣи, неразлучни и в кончинѣ явѣстѣся и во  
един день и час святѣя дѣуши своя в рѣце

Божии преда́сте, зовуще присно живыми и мертвыми обладающему Владыце Богу: Аллилуия.

### Икос 8

Вси чудя́хуся и сла́вляху дивнаго во святых Своих Бога, егда святая ваша телеса́, в разных гробѣх положѣнная, чудесно обретóшася лежáща в общей гробнице, юже уготóвасте себе, преподобнии, в собóрней церкви града Мурома, идеже и доныне неразлучно почивáете, чудотворцы святии, неоскудная источающе исцеления всем, с верою прибегающим к вам и зовущим:

Радуйтесь, союз любвѣ вашей до гроба и за гробом верно сохраниши.

Радуйтесь, не токмо в жизни, но и по смерти о Господе соединѣнии.

Радуйтесь, в супру́жеском благочѣстном жити́и вам подражающим крѣпцыи помощницы.

Радуйтесь, теплотою любви вашей и нас согревающии.

Радуйтесь, смертью врэменною прешѣдшии к жизни вечной.



Радуйтеся, от Господа нетлѣнием и чудесы прославленнии.

Радуйтеся, яко память ваша с похвалами и успѣние со святыми.

Радуйтеся, яко имена ваши честны суть и благословенны в Отечестве вашем.

Радуйтеся, Российския страны удобрение благодатное.

Радуйтеся, града Мурома ограждение несокрушимое.

Радуйтеся, о любящих и чтущих вас небеснии предстатели.

Радуйтеся, присно просящии нам у Господа дары благодати Его.

Радуйтеся, святии и преславнии чудотворцы Петре и Февроние!

### ~ Кондак 9 ~

Вси Ангели и святых лики радовахуся радостию великою, егда святые души ваша достигоша вечнаго в обителях райских селения, и Сам Творец Ангелов и Святейший святых, Царь Славы Христос, безсмертия венцы увенча вас и дарова вам благодать молиться Ему со дерзновением многим о



всех ищущих вашего заступления, егоже не лишите и нас грешных, Петре и Февроние достохвальный, смиренномудренно воспевающих прославльшему вас Богу хвалебную песнь: Аллилуия.

### Икос 9

Ветийство человеческое не довлéет к достойному прославлению дивнаго жития вашего, святии чудотворцы Петре и Февроние; кто бо исповесть вся моления и пощения, болезни и труды ваша; кто изочтёт вся слезы и воздыхания ваша яже к Богу. Обáче мы, любовию к вам подвижа́еми, дерзаем воспевати вам сия малая и нехитростныя похвалы:

Радуйтесь, благодати Святаго Духа избраннии сосуди.

Радуйтесь, радости нам вечныя благоприятии ходатаи.

Радуйтесь, богобоязненных супругов в благочестии утверждение.

Радуйтесь, нарушителей супружескаго целомудрия и согласия грозное обличение.

Радуйтесь, гнев Божий, праведно движимый на нас, молитвами вашими утворяющий.

Радуйтесь, о мире всего мира непрестанно  
Господа умоляющих.

Радуйтесь, на враги видимыя и невидимыя  
крѣпцыи нам споборницы.

Радуйтесь, ангелонравнии человецы.

Радуйтесь, преподобных и праведных со-  
наследницы.

Радуйтесь, Пресвятыя Троицы вернии угод-  
ницы.

Радуйтесь, блаженнии обитатели горняго  
града Иерусалима Небеснаго.

Радуйтесь, со святыми торжествующии в  
скініях райских.

Радуйтесь, святии и преславнии чудотвор-  
цы Петре и Февроние!

### ❧ Кондак 10 ❧

Спасение вечное унаследовавше, богобла-  
женнии Петре и Февроние, душа́ми вашими  
в обителях горних неразлучно в Бозе пребы-  
ваете, святыми же моща́ми вашими в храме  
Божием нетленно вку́пе почиваете и обиль-  
ныя исцеления источаете, да чудесы вашими  
благодатно озаряеми, хвалебно взываем Вер-  
ховному Творцу чудес Богу: Аллилуия.

## Икос 10

Стѣну заступления, благоприятныя молитвы ваша к Богу, обрѣтше, святити чудотворцы Петре и Февроние, благодарение Отцу Небесному усердно возсылаем за вся благодеяния Его, вами всем нам обильно являемая, вам же, предстателем нашим, сицевое приносим пение:

Радуйтесь, всесветлаго Царствия Христова наследницы.

Радуйтесь, ангельских ликѡв собеседницы.

Радуйтесь, Бога во славе непреступней созерцающии.

Радуйтесь, Триси́йнаго Божества тайницы.

Радуйтесь, со святыми на Небеси вечно царствующии.

Радуйтесь, от горних высот к земнорѡдным милостивно приникающии.

Радуйтесь, крѣни благоуханныи небеснаго прозябѣния.

Радуйтесь, кипарѣси чудотѡчнии раѣ Иисова.

Радуйтесь, податели незавѣстнии безмѣднаго врачевания.

Радуйтесь, совершители достохвальных  
многих чудес.

Радуйтесь, благодеей множество нам  
источающи.

Радуйтесь, милостию сострадания вашего  
всех объёмлющи.

Радуйтесь, святии и преславнии чудотвор-  
цы Петре и Февроние!

### ~ Кондак 11 ~

Пение молебное приносим вам, угодницы  
Божии Петре и Февроние, и с любовью при-  
падаем к раце святых и многоцелебных мо-  
щей ваших, прославляя житие ваше богоугод-  
ное и подвиги многи. Молимся вам усердно,  
чудотворцы святии, помозите нам подражати  
вашим добродетелем, да возможем богоугод-  
но пети Создателю нашему: Аллилуия.

### ~ Икос 11 ~

Света небеснаго исполнен бе соборный  
храм града Мурома, егда благоволением Бо-  
жиим святые мощи ваша, Петре и Февроние,  
целы и благоуханны обретóшася в нем и из  
недр земных, яко сокровище драгоценное,

изнесены быша, идеже и доныне почивают, исцеления неоскудная источающе недужным и болящим. Сего ради песненно вопием к вам:

Радуйтесь, злато нетленное, в недрах земных обретенное.

Радуйтесь, бисери сияющие и благодатно просвещающие человеков.

Радуйтесь, Святая Православная Церкве похвало.

Радуйтесь, ересей и расколов обличение.

Радуйтесь, свети умнии, зарею Святаго Духа облистающие.

Радуйтесь, мира благоухания Христова преисполнении.

Радуйтесь, облеченнии в ризу благодатного нетления.

Радуйтесь, препоясанныи силою многих чудес.

Радуйтесь, яко рака ваша честная лечебница явися недугом человеческим.

Радуйтесь, яко от нея всяк с верою приходяй дары целебныя приемлет.

Радуйтесь, светлостию чудес ваших мрак душ наших озаряющие.



Радуйтесь, нетлением святых мощей ваших  
зарю общего всех воскресения нам показу-  
ющей.

Радуйтесь, святии и преславнии чудотвор-  
цы Петре и Февроние!

### Кондак 12

Благодать, свыше вам дарованную, познав-  
ше, святии чудотворцы Петре и Февроние, с  
благоговением и любовью покланяемся не-  
тленным и многоцелебным мощём вашим  
и от них приемлем в недугех исцеление, в  
скорбех утешение, в бедях благодатную по-  
мощь; темже и прославляем вас по достоя-  
нию, небесных предстателей и заступников  
наших, воспевая песнь хвалы и благодарения  
вами благодворящему нам Владыце Богу: Ал-  
лилуия.

### Икос 12

Поюще многая и преславная ваша чу-  
деса, величии угодницы Божии Петре и  
Февроние, ублажаем вас, яко целителей,  
утешителей и помощников, от Господа нам  
дарованных, и молитвенно торжествуем



святую память вашу, от любви сердечныя  
воспевающе вам благодарственно и хва-  
лебно:

Радуйтесь, во благоухании святыни нетлен-  
но почивающих.

Радуйтесь, с верою приходящих к раце мо-  
щей ваших благодатно освящающих.

Радуйтесь, призывающих молитвенно чест-  
ная имена ваша скории услышатели.

Радуйтесь, упование на вас по Бозе возла-  
гающих дивнии помощницы.

Радуйтесь, известнии умилоствители Царя  
Небеснаго.

Радуйтесь, сильнии защитницы наши от  
врагов невидимых.

Радуйтесь, приснии всем нам ходатаи спа-  
сения.

Радуйтесь, неотступнии хранители града  
Мурома.

Радуйтесь, князей Российских пречудная  
добро́то.

Радуйтесь, Отечества вашего Богом даро-  
ваниями покровители.

Радуйтесь, телес наших благодатнии целеб-  
ницы.

Радуйтесь, о душах наших усерднии ко Господу молитвенницы.

Радуйтесь, святии и преславнии чудотворцы Петре и Февроние!

### Кондак 13

О святии и преславнии чудотворцы, благовёрнии княже Пётре и княгине Февроние! Приимите милостивно сие похвальное пение от нас недостойных, во умилении вам приносимое, и вашим предстательством у Господа испросите нам утверждение в вере и добрых делех и избавление от всех скорбей и болезней временных и вечных, да сподобимся вкúпе с вами и всеми святыми во Царствии Небеснем пети Пресвятей Троице вечно хвалебную песнь: Аллилуия.

*Этот кондак читается трижды,  
затем 1-й икос: «Ангели земнии...»  
и 1-й кондак: «Избраннии чудотворцы...».*

**Молитва святым благоверным  
князю Петру и княгине Февронии,  
Муромским чудотворцам**

О величии угодницы Божии и предивнии чудотворцы, благовернии княже Петре и княгине Февроние, града Мурома предстатели и хранители, и о всех нас усерднии ко Господу молитвенницы! К вам прибегаем и вам молимся с упованием крепким: принесите за нас грешных святыя молитвы ваша ко Господу Богу и испросите нам у благодати Его вся благопотребная душам и телесем нашим; веру праву, надежду благу, любовь нелицемерну, благочестие непоколебимое, в добрых делах преуспяние, мира умирение, земли плодоносие, воздуха благорастворение, душам и телесем здравие и вечное спасение. Исходатайствуйте у Царя Небеснаго Церкви Святей и всей державе Российской мир, тишину и благоустроение, и всем нам житие благополучное и добрую христианскую кончину. Оградите Отечество ваше, град Муром, и вся грады российские от всякаго зла, и вся правоверныя люди, к вам приходящия и мощем вашим поклоняющияся, осените благодат-

ным действием благоприятных молитв ваших и вся прошения их во благо исполните. Ей, чудотворцы святии! Не прѣзрите молитв наших, со умилением вам возносимых, но будите о нас прїснии предстатели ко Господу и сподобите нас помощью вашею святою спасение вечное получитьи и Царствие Небесное унаследовати, да славословим неизречѣнное человеколюбие Отца и Сына и Святаго Духа, в Троице покланяемаго Бога, во веки веков. Аминь.



Акафист  
святым благоверным князю Петру и княгине Февронии,  
Муромским чудотворцам

*Богослужбное издание*

Подписано в печать 18.01.2010. Формат 70х90/32

Печать офсетная. Тираж 5000 экз.

Издательство Московской Патриархии.

119435, Москва, Погодинская ул., 18

*Оптовый отдел реализации:* (499)246-20-85, 246-52-08.

*Магазин:* (499)245-30-68, 245-73-75

*Сайт Издательства:* [www.ror.ru](http://www.ror.ru)



Благоверный князь Петр был вторым сыном Муромского князя Юрия Владимировича. Он вступил на Муромский престол в 1203 году. За несколько лет до этого святой Петр заболел проказой, от которой никто не мог его излечить. В сонном видении князю было открыто, что его может исцелить дочь пчеловода благочестивая дева Феврония, крестьянка деревни Ласковой в Рязанской земле. Князь пообещал жениться на ней после своего исцеления. Феврония исцелила князя, однако он не сдержал своего слова. Болезнь возобновилась, а Феврония вновь вылечила его и вышла за него замуж. Гордые бояре не захотели иметь княгиню из простого звания и потребовали, чтобы князь отпустил ее. Святой Петр отказался, и супругов изгнали.

Но вскоре город Муром постиг гнев Божий, и народ потребовал, чтобы князь вернулся вместе со святой Февронией. Святые супруги прославились благочестием и милосердием. Скончались они в один день и час 25 июня 1228 года, приняв перед смертью монашеский постриг с именами Давид и Евфросиния.

Тела святых были положены в одном гробе.

Святые Петр и Феврония являются образцом христианского супружества. Своими молитвами они низводят Небесное благословение на вступающих в брак.

коллекция

**ПРАВМИР**

ИЗДАТЕЛЬСТВО «ГЕЛИО ШАТТЛ»

117279, г. Москва, ул. Профсоюзная, д. 83, к. 3

Тел.: (495) 33-33-105, (495) 33-39-216

18.54

e-mail: pravmir@bk.ru    www.helioshuttle.ru